
A MONTANARU. 1993

(1)

Tae fist'in BARBAGIA che unu li zu,
 In DESULU, fiore de s'altara,
 A eternu l'has'àbarrare fi zu.

De sa zittade tua has tentu cura,
 Lassendeli sa manna maestria,
 Versos primordiales 'è cultura.

Sos libros tuos c'has'in poesia,
 Ghirant'in tottu cust'isol'intrea,
 Pro dare sa dulzura e s'armonia.

Sa ment'in nois che un'arborea,
 In sos SARDOS'in cada punta e mundu,
 Lis dàs filu poeticu e bidea.

Chi su filu poeticu e proffundu,
 Benit'accumpagnadu de su donu,
 Donu primu, poeticu segundu.

Pois cando su cantu cun su sonu,
 Lu cumpletat pius melodiosu,
 In consolos lamentos 'è perdonu.

Tae chi godis s'eternu riposu,
 No ischis chi ti hamus'in memoria,
 Cun su Populu tou orgogliosu.

Zertu chi faghet parte de s'istoria,
 Custa cultura tua est'isparghende,
 Su SARDU, a boghe manna pro sa gloria.

Gloria peri a su SARDU chi est preghende,
 Pro ti balzar'in'altu in terra Sarda,
 Lodes l'has dadu, e lodes ti est dende...

DOMOS DE JANAS.

ARITZO. 22- 9 - 1993..

SALVATORE COGONI
 ARITZO